



Sámi allaskuvla

Sámi University of Applied Sciences

OAHPPOPLÁNA

SÁM 191

GIRJEČÁLLIOAHPPU 1- Lyriikka ja teáhterteavsttat

10 oahppočuoggá

1. OAHPU NAMMA

Sámegillii: Girječállioahppu 1 – Lyriikka ja teáhterteavsttat

Dárogillii: Forfatterstudium 1 – Lyrikk og teatermanus

Eangalagillii: Creative Writing 1 – Poetry and theater scripts

2. OPPALAŠ DIEĐUT OAHPU BIRRA

- Oahppoovttadaga koda: SÁM 191
- Dássi: Bachelor
- Oahppočuoggát: 10 oahppočuoggá
- Oahpu lágideapmi: Deaivvadeamit leat juhkkjuuvvon fysalaš deaivvadeapmin Diehtosiiddas (ja vejolaččat eará báikkiin) ja neahttaoahpahussan. Sámi allaskuvla lágida kurssa ovttasráđiid Sámi Girječálliid Servviin.

3. OAHPPOPROGRÁMMA GULLEVAŠVUOHTA

Oahppoovttadat lea oassin Girječállioahpus 1-3, mii oktiibuot dahká 30 oč. Girječállioahpus lea vejolaš váldit juohke 10 oč kurssa sierra.

Oahppu lea dohkkehuvvon doarjjafágan Sámegeiela ja sámi girjjálašvuoda bachelorprográmmas ja sáhtá maid dohkkehuvvot doarjjafágan eará bachelorprográmmain.

4. SISABEASSANGÁIBÁDUSAT

Dábálaš sisabeassangáibádusat alitoahpahussii ja sámegeielmáhttu. Sisabeassanvuodđu sáhtá leat juogo oppalaš lohangelbbolašvuhta (čadahan joatkkaskuvlla/logahaga) dahje realangelbbolašvuhta. Oppalaš lohangelbbolašvuoda gáibádusat olgoriikka ohcciide bohtet ovdan GSU-listus.

Sámegeiela gáibádusa sáhtá deavdit čuovvovaš vugiid mielde: Norgga joatkkaskuvllas sámegeiella 1. dahje 2. giellan, Suoma logahagas eatnigielladutkkus dahje lohkan sámegeiela vierrogiellanja Ruoŋa gymnásas eatnigiellan (modersmål 200 čuoggá) dahje ođđaáigásaš giellan (moderna språk 200-300 čuoggá) dahje vástideaddji sámegeielloahppu doaimbi njuolggadusaid mielde. Sámegeiela gáibádusa sáhtá maid deavdit sámegeiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuhta man dási gelbbolašvuhta ohccis lea, de ášši ovddiduvvo fágalaš árvoštallamii ja meannuduvvo dán vuodul.

5. OAHPAHUS- JA EKSÁMENGIELLA

Váldo oahpahusgiella lea davvisámegiella. Eará sámegielat, skandináva gielat ja eanjalasgiella sáhttet geavahuvvot oahpahusas. Oahpahus davvisámegillii ja eanjalasgillii ii dulkojuvvo. Eará gielaide oahpahus dulkojuvvo dárbbu mielde.

Eksámengiella lea dábálaččat davvisámegiella, muhto sáhttá rahppot vejolašvuohta čállit eksámena eará sámegielaide.

6. SISDOALLU

Girječállioahppu 1-3 lea jurddašuvvon olbmuide geat háliidit oahppat girječállima, ovdánahttit čáppagirjjálaš čállindáidduset ja hárvánit árvvoštallat girjjálašvuođa teavsttaid. Danin vuoruhuvvo čállin iešguđetge šanjeriin. Oahpahus lea mánggabealat, ja dasa bovdejuvvojit guosselogallit lassin kursalágideddjiide. Studeanttat galget oahpásmuvvat iešguđetge čállinšlájaide/ šanjeriidda, ja sii besset ieža iskat čállit sihke šanjerájaid siskkobealde ja šanjer-rastideaddji teavsttaid. Oahpahus lea maiddá girječállima giellageavaheami birra ja oahpásmuvvan sámi čállima historjái ja mánggabealatvuhtii, ee. girjjálašvuođa ođđa almmuhanvugiide, dego slam, spoken word ja digitála girjjálašvuohta. Iešguđetge oasis oahpus deattuhuvvojit moadde čállinhámi erenoamážit.

Oahppu addá čállinhárjáneami mii lea ávkin sihke čáppa- ja fágagirjjálaš čállimii. Kurssas oahpásmuvvá iešguđetge čállinšlájaide maid sáhttet atnit ávkin sihke journalisttat, lágádusbargit, olbmot geat barget kulturealáhusain, girjerájusbargit ja oahpaheaddjit.

Girječállioahppu 1 čieknuda erenoamážit sámi lyrihkii, sihke otnábeavvi poesijii ja árbevirolaš hámiide mat ee. ilbmanit sámi myhtain, juoiganmuitalusain ja luhtepoesijas. Dasa lassin čieknuda Girječállioahppu 1 sámi teáhterteavsttaide.

7. OAHPPANJOKSOSAT

Oahpu maŋŋá studeanta lea olahan dáid oahppanjoksosiid:

Máhttu ja diehtu:

Studeanta

- dovdá girječállima iešguđetge čállinhámiid ja sámi lyrihka erenoamážit
- dovdá sámi lyrihka, sihke dološ ja dálá juoiganpoesija ja ođđaset sámi diktačállima
- dovdá sámi lyrihkkagirjjálašvuođa historjjá ja sámi teáhterárbevieru
- dovdá drámateavsttaid huksejumi ja sámi teáhteriid ovdanbuktimiid

Gálggat:

Studeanta

- hálddaša bures sihke čállit ja čilget sámi poesija ja dovdá oadjebasvuođa čállima hárrái
- máhtta iežas teavsttaid buktit ovdan
- máhtta čilget sámi poesija historjjálaččat ja odne

Oppalaš gelbbolašvuohta:

Studeanta

- máhtta čilget sámi lyrikkahistorjjá ja geavahit sámi pohtalaš ja drámahtalaš ovdanbuktinvugiid
- máhtta earáid diktačállima ja dráma-teavsttaid árvvoštallat ja evttohit buoridemiid
- máhtta vuostáiváldit árvvoštallama buoridan dihtii iežas čállindáidaga

8. OAHPAHAN- JA OAHPPANVUOGIT

Oahpahuš lea čoagganemiid bokte. Lea maid vejolaš ahte muhtun deaivvadeamit leat digitála hámis. Studeanttat galget čállit teavsttaid deaivvademiid gaskkas ja sáddet daid fágaoahpaheddjiide ja mielstudeanttaide kommenteremii vai olles joavku beassá čoagganemiid oktavuođas ságastallat ja árvvoštallat ja evttohallat buoridemiid teavsttaide. Teakstabájit main studeanttaid iežaset čállosat guorahallojuvvojit dárkilit leat guovddáš oassi oahpus. Dasa lassin leat logaldagat mat čilgejit girjjálašvuođa šlájaid, čállinhámiid ja árvvoštallanvugiid.

Vurdojuvvo ahte studeanttat leat aktiivvalaččat mielde ságastallamiin iešguđet teavsttaid guorahallamis.

9. GÁIBÁDUSAT BEASSAT EKSÁMENII

Studeanta galgá leamaš mielde unnimusat 75 % čoagganemiin.

Studeanta galgá

- čállit unnimusat 5 siiddu ođđa dahje ođastuvvon teavstta juohke deaivvadeapmái
- ovdanbuktit unnimusat ovtta teakstačájálmasa (teakstaovdamearkka), mii ságastallojuvvo studeantajoavkkus.

10. EKSÁMEN

Eksámen lea 10-beaivásaš ruovttueksámen mas studeanta gárve teavstta dahje teavsttaid maid lea čállán oahppoáiggi, jogo:

- 10-15 divtta, *dahje*
- gaskkal 6-10 siidosas neaktinbihtá (čájálmasa) teáhtera dahje filmma várás, *dahje*
- guokte 3-5 siidosas lyriikka-, teáhter- dahje filbmaárvvoštallama.

Eksámen árvvoštallojuvvo ceavzán/ ii ceavzán.

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

li leat.

12. KVALITEHTASIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea ovddasvástádus searvat árvvoštallamiidda mat leat oassin kvalitehtasihkkarastinvuogádagas.

Studeantadásis oahppu árvvoštallojuvvo oahpu loahpahettiin. Ásahusdásis oahppu árvvoštallojuvvo studeantaárvoštallamiid, sensorraporttaid ja fágareportta vuodul.

13. LOHKANMEARRI

Dohkkehuvvo sierra.